


Prvi zamjenik visokog predstavnika prisustvovao proslavi 18. obljetnice Distrikta Brčko



Supervizor za Distrikt Brčko i prvi zamjenik visokog predstavnika Dennis Hearne i predsjedavajući arbitar Arbitražnog vijeća za Brčko, ambasador Clint Williamson, posjetili su Brčko povodom 18. obljetnice Distrikta.

Supervizor Hearne i ambasador Williamson su se sastali sa gradonačelnikom Brčkog Sinišom Milićem, predsjednikom Skupštine Esedom Kadrićem i šefom policije Goranom Pisićem. Razgovarali su o trenutnoj situaciji i glavnim prioritetima za Distrikt Brčko.

Supervizor Hearne izrazio je zahvalnost zvaničnicima Brčkog za iskazanu političku hrabrost i spremnost da se pozabave nekim od gorućih problema Distrikta. Također je istakao svoju iskrenu i neupitnu opredijeljenost da štiti stabilnost i održivost Distrikta.